

- So zucde he du ahtir wert.
 150 sus quam dir slag inde dat swert.
 Dis schenken orse in die stirne.
 dat man die bludige hirne.
 her int gein uz sag wallen.
 ende dat ors begunde uallen.
- 155 Dort nidir up die erde.
 du blef dir schenke vnwerde
 stainde up den uuzen sin.
 dog uaht he als ein euir swin.
 Dat sich node leizit belegen.
- 160 die wile Breimunt dir degen.
 Vnmuzich was bit dideriche.
 so worden dere uan affriche.
 so wondren uile doit irslagen.
 dat ich it kume kunde gesagen.
- 165 wie rechte uile dat ir were.
 nu horet uan Karle sagen mere.
 Deme eidelen barne uan vranceriche.
 he hadde sich dat wiszit werliche.
 Mude geohten ende gestriden.
- 170 groze pine hadde he geliden.
 Du reit he uz up ein jrpoys.
 als die riddere dun altoys.
 Die sich irresten willen.
 ende auch iren orsen stillen.
- 175 Karl den helm du aue bant.
 des schildis sich da undirwant.
 Ein van sinir massniden.
 die wile Karl zu den ziden.
 Durg resten hilt up den plane.
- 180 So quam dat si uch zuuirstane.
 Ein franzois uan deme wige gerant.